

**Pileraarusiorneq aamma nunaminertat atorneqartarnerat pillugit
Inatsisartut inatsisissaat nr. 17, 17. november 2010-imeersoq**

Kapitali 1
Inatsisip siunertaa aamma killiligaanera

Siunertaq

§ 1. Inatsisartut inatsisaata siunertaraa nunap nunaminertaasa inuiaqatigiit eqqarsaatigalugit ataatsimut naliliineq tunngavigalugu atorneqarnissaat qularnaarneqassasoq. Siunertaq taanna anguneqassaaq,

- 1) pinngortitap illersorneratigut,
- 2) inuiaqatigiit tungaanniit isigalugu naleqquttumik nunaannaap aamma sanaartukkat inuit pilersitaasa akornanni immikkoortiterinikkut,
- 3) nunap nunaminertaasa pileraarusiorneq inuussutissarsiornikkut, inooqatigiinnikkut avata-ngiisitigullu iluaqutaasumik ineriarornermik siuarsaasussaq naapertorlugu atorneqarnerisigut,
- 4) innuttaasut nunaminertat atorneqarnissaat pillugu pileraarusiornermi peqataatinnerisigut, aamma
- 5) nr. 1-imut 4-imut naapertorlugit aalajangiussinerit sanaartorfissanut aningaasaqarnermillu pileraarusiornermut ataqtigiissinnerisigut.

Killiligaanera

§ 2. Sumiiffinnut teknikkikkullu ikkussukkanut sakkutooqarnermut siunertaqartumik atugassanut nunaminertamik atugassiineq, Naalakkersuisut isumaqatiginniniarfgerer-neranni naalagaaffimmit oqartussaasumit pineqartumit isumagineqassaaq.

Kapitali 2
Naalakkersuisut pisussaaffii aamma piginnaatitaanerat

§ 3. Inatsisartut peqqussutaanni matumanı maleruagassat naapertorlugit nunap nunaminer-taasa Inatsisartut inatsisaata siunertaanut naapertuuttumik atorneqarnissaat, sanaartorfissanik pilerausuornikkut qulakteerniassallugu Naalakkersuisut pisussaapput.

Imm. 2. Naalakkersuisut kommunalbestyrelsinut ilitsersuinikkut ikuutissapput.

§ 4. Naalakkersuisut nunaminertat atorneqarnissaat pillugu maleruagassanik erseqqinnerusunik aammalu sanaartorfissanik pileraarusiornerup ataatsimoortup pilersinneqarnissaanut, imarisassaanut, ilusissaanut piviusunngortinnissaanullu maleruagassanik aalajangersaassapput.

Imm. 2. Naalakkersuisut pileraarusiornissaq aammalu annertuunik sanaartugassanik atugassiinissaq sioqqullugu piviusunngortitsinermi avatangiisinut sunniutaasussanik nalilersuinernik suliaqarnissaq imarisassaalu pillugit aalajangersakkanik erseqqinnerusunik aalajangersaasinnaapput.

Kapitali 3

Nuna tamakkerlugu pilersaarusrusiorneq

Nuna tamakkerlugu pilersaarusrusiornerup suliarineqarnissaa

§ 5. Naalakkersuisut nuna tamakkerlugu sanaartorfissanik pilersaarusrusiornerup ataatsimoor-tup suliarineqarnissaa aammalu misissuinerit tamatumunnga pisariaqartut ingerlanneqarnis-saat qulakkiissavaat.

Imm. 2. Naalakkersuisut nuna tamakkerlugu qarasaasiaq atorlugu, nunami sumiiffinnut tamanut paasissutissanik katersuiffimmik, pilersaarusrusianut isaaffittalimmik atugassaqartitsissapput. Naalakkersuisut suliassaqarfinnut oqartussaasui aamma kommunit nunaminertat pillugit aalajangiussanit aalajangersimasunut atugassanngortitsinerit aamma nunaminertanik atuinissamik killilersuinerit pillugit paasissutissanik, Naalakkersuisut qarasaasiaq atorlugu nunami sumiiffinnut tamanut paasissutissanik katersuiffiannut pilersaarusrusianullu isaaffiutaannut saqqummiisassapput. Qarasaasiaq atorlugu pilersaarusrusianut isaaffik nunaminertat nunami sumiiffiini killiliinerit kiisalu nunaminertap pineqartup inatsisitigut aalajangersakkanut pineqartunut ilaaffiinut innersuussinerit pillugit paasissutissanik imaqassaaq.

Imm. 3. Naalakkersuisut tamatumunnga pisariaqartillugu kisiannili peqqussutip matuma atuutilerneranit naatsorsukkamik minnerpaamik ukiut sisamakkaarlugit sanaartorfissanik pilersaarusrusiornermi inuiaqatigiinni soqtigisat pingaarutillit takussutissiortassavaat.

§ 6. Pisortat oqartussaasut kiisalu pisortat ingerlatassaannik ingerlatsinissamik akuersis-summik pigisaqartut aamma suliffeqarfiiit taakkununnga assingusut, nuna tamakkerlugu piler-saarusrusiornermi atugassanik misissuinerit, pilersaarusrusiorerit aamma sanaartugassatut aalaja-ngiussat annertunerusut piareersarneqarneri ingerlanneqarnerilu pillugit Naalakkersuisunut nalunaaruteqartassapput.

§ 7. Naalakkersuisut qularnaassavaat nuna tamakkerlugu pilersaarusrusiornerup kommuninut pilersaarusrusiorneq, tak. kap. 4, aamma suliassaqarfinnut pilersaarusrusiorneq ataqatigiississagaa.

Imm. 2. Naalakkersuisut nuna tamakkerlugu pilersaarusrusiornerup siunertai qanorpialru ima-qarnera pillugit tamanut ammasumik oqallittoqalernissaa siunertaralugu paasititsiniaanermik suliaqarneq aallartissavaat.

§ 8. Naalakkersuisut nuna tamakkerlugu pilersaarusrusiorneq pillugu Inatsisartunut ukiumoor-tumik nassuaateqartassapput.

§ 9. Naalakkersuisut inuiaqatigiinni pingaarutilimmik soqtiginaatillit isumaginissaannut, ilanngullugit Namminersorlutik Oqartussat suliassaqarfinnut soqtigisaat, kommuninut pilersaarusrusiornermut aalajangersakkanik erseqqinnerusunik atuuttussanngortitsisinnaapput (nuna tamakkerlugu pilersaarusrusiornermut malitassiat).

Imm. 2. Sumiiffiup ilaanut aalajangersimasumut nuna tamakkerlugu pilersaarusrusiornermut malitassiaq sukumiisunik aalajangersagartaqartoq, kommunimut pilersaarutituulli inatsisitigut sunniuteqartinneqassasoq Naalakkersuisut aalajangiisinjaapput, tak. §§ 29-mit 31-mut.

§ 10. Pisortat pilersaarusrusiornermik ingerlatsinerat aamma sanaartugassanik aalajangiussinerit nuna tamakkerlugu pilersaarusrusiornermut naapertuutumik ingerlanneqassapput.

Imm. 2. Nuna tamakkerlugu pilersaarusrusiornerup piviusunngortinnissaa qulakteerniarlugu Naalakkersuisut kommunalbestyrelsi imarisassaa erseqqinnerusumik taallugu § 27 malillugu kommunimut pilersaarusoqqusinnaavaat kommunimulluunniit pilersaarummut tapiliussamik suliaqaqqusinnaallugu imaluunniit nammineerlutik sumiiffimmut pineqartumut aalajangersak-kat maleruagassiisut sularisinnaallugit.

Nuna tamakkerlugu pilersaarusrusiornermik qularnaallisitsineq

§ 11. Kommunimut pilersaarutissatut siunnersuut imaluunniit kommunimut pilersaarutip allanngortinnissaanut siunnersuut, pissutsinut immikkut isigineqartariaqartunut naalagaaffiup oqartussasaasuinit imaluunniit Namminersorlutik Oqartussat oqartussasaasuinit isumagine-qartunut akerliusimappat, oqartussaasoq pineqartoq akerliliissuteqarnissamut piffissaliussap naannginnerani, tak. § 23, imm. 3, siunnersummut akerliliissuteqassalluni pisussaavoq.

Imm. 2. Pilersaarutip imarisaa pillugu kommunalbestyrelsip oqartussaasullu pineqartup akornanni isumaqtigitiqqaartinnagu kommunalbestyrelsip siunnersuut inaarutaasumik akuersissutigisinnaanngilaa.

Imm. 3. Taamatut isumaqtigitiinnissaq anguneqarsinnaanngippat kommunimut pilersaarutissatut siunnersuut Naalakkersuisunut saqqummiunneqassaaq. Kommunimut pilersaarutissatut siunnersuut Naalakkersuisunit akuerineqarpat aatsaat, Inatsisartut inatsisaat manna naapertorlugu pilersaarut inatsisitigut sunniateqalersinnaavoq.

§ 12. § 11, imm. 1 naapertorlugu akerliliissuteqarnermut atatillugu Naalakkersuisut aalajangiisinnaapput, kommunimut pilersaarusiassatut siunnersuut imaluunniit siunnersuutit tamanut saqqummiunneqartut, kommunalbestyrelsip kommunimut pilersaarusiassatut siunnersummit saqqummiussineraniit ukiut marluk tikillugit § 31-imti taaneqartutut sunniateqassasut. Tamanna pillugu aalajangiineq Naalakkersuisunit nalunaarutigineqassaaq.

Imm. 2. § 11, imm. 3 malillugu akuersissuteqarnermut atatillugu Naalakkersuisut kommunimut pilersaarutissatut siunnersummi tamanut saqqummiunneqartumi allannguuteqartitsisinnaallutillu ilassuteqartitsisinnaapput.

§ 13. Nuna tamakkerlugu pilersaarusrusiornerup naammassineqarnissaa qulakteerniarlugu aamma allatigut pisariaqarsorineqarpat Naalakkersuisut aalajangersinnaavaat, communalbes-tyrelsi Naalakkersuisunit piffissaliussaq naatinngagu kommunimut pilersaarummut allan-nguummik, Naalakkersuisunit erseqqinnerusumik taaneqartunik imaqtumik suliaqartitsis-sasoq.

Imm. 2. Imm. 1 malillugu piffissaliussaq communalbestyrelsimit eqqortinneqangippat, communalbestyrelsip akiligaanik kommunimut pilersaarutip allannguutissa namminneerlutik sularitinniarlugu Naalakkersuisut aalajangersinnaapput. Taamatut pisoqartillugu communal-bestyrelsip §§ 14, aamma 31, imm. 2 naapertorlugit pisinnaatitaaffii Naalakkersuisut pisinnaatitaffigilissavaat. Pilersaarut §§ 23-imti, 25-imti aamma 28-imti maleruagassat malillugit Naa-lakkersuisut sularitissavaat.

Kapitali 4

Kommunimut pilersaarusiorneq

§ 14. Kommunalbestyrelsip kommuneqarfimmi nunaminertanut atuinissamut kommunimut pilersaarusiortitsinissaq pisussaaffigaa. Tamanna pissaaq kommunimi nunaminertaqassutsi-mik, pinngortitap pissarititaanik aningaasassaqaqnermillu ataatsimut naliliineq, innuttaasut amerlassusaannut inuussutissarsiornikkullu ineriarornermut anguniakkat aamma pisortat suli-assaqarfiinut pilersaarusiorneq kiisalu Inatsisartut inatsisaannut matumunnga siunertaasut aallaavigalugit, tak. § 1.

Imm. 2. Kommunimut pilersaarut imaqassaaq:

- 1) Immikkoortoq kommunimut pilersaarutip tunngavigisaannik aamma kommunip ineriaror-nissaanut anguniakkanut nassuaataasoq, tak. § 15.
- 2) Immikkoortoq kommunip ataatsimut pingaarnertut ilusiligaaneranut kiisalu kommunip illoqarfiisa, nunaqarfiisa aamma nunaannarmik atugassiinissaq ataasiakkaat ilusiligaanerannut tunngasoq, tak. §§ 16 aamma 17.
- 3) Immikkoortoq aalajangersakkanik imaqartoq, tassani aalajangersarne-qassallutik sumiiffiup ilaanni aalajangersimasuni ataasiakkaani nunaminertanik atuinissamut aamma illiortiternissamut aalajangersakkat pingaarnerit, tak. § 20
- 4) Kommunalbestyrelsip nunaminertanik atugassiisarnissaanut aalajangersakkat, tak. § 22.

Imm. 3. Kommunalbestyrelsi aamma kommunimut pilersaarutip aalajangersakkanut immikkoortuani, sumiiffiup ilaanni aalajangersimasuni ataasiakkaani nunaminertanik atuinissamut aamma illiortiternissamut aalajangersakkanik sukumiisunik aalajangersasinnaavoq, taamaattorli takuuq § 27, imm. 2 aamma 3.

Imm. 4. Kommunimut pilersaarut Naalagaaffiup aamma Namminersorlutik Oqartussat suliassaqaqfinnut pilersaarusiornernut, § 9 malillugu nuna tamakkerlugu pilersaarusiornermut malitassianut imaluunniit inuiaqatigiinni soqutigisanut pingaaruteqartunut, tak. § 5, imm. 3, akerliussanngilaq.

Kapitali 5

Kommunini pilersaarutit imaat

Kommunini pilersaarutit nassuaatitaat

§ 15. § 14, imm. 2, nr. 1-imni nalunaarutinut tunngasutut taaneqartoq ukuninnga imaqarsinnaavoq:

- 1) Killifimmut nassuaat immikkoortukkaarlugu agguagaq, tassunga ilanngullugu kommunimi nunassittarnermi pissutsit, kommunimi innuttat inuussutissarsiutillu ineriarornerat kiisalu sanaartornermi pissutsit pillugit nassuaat.
- 2) Anguniagassanut immikkoortoq, Kommunalbestyrelsip kommunimi ineriarortitsinissaamut nunaminertanillu atuinissamut kommunalbestyrelsip anguniagaanik nassuaaffiusoq, tassunga ilanngullugit inissianik inuussutissarsiorfinnillu annertusaaneq, attaveqarnermi atortut aamma isumaginninnikkut, kulturikkut ilinniartitaanikkullu sullissiviit, sumiiffiit sukisaarsaarfiusinnaasut kiisalu sumiiffiit nunaannarmiittut.
- 3) Pileraarummut nassuaat, kommunimi pileraarummi pileraarutinut allanut, tassunga ilanngullugit nuna tamakkerlugu pileraarutinut, Naalakkersuisut kommunillu aningaasaqaqnermut pileraarutaannut, kiisalu kommunit maannamut pileraarutigisaannut qanoq naleqqiussinissamik nassuaaffiusoq.

Kommunimut pilersaarutit ilusiligaanerisa pingarnernut tunngasortaat

§ 16. Kommunimut pilersaarutip ilusiligaanerani pingarnermi, § 14, imm. 2, nr. 2-mi taaneqartumi ataatsimoortumi nunasseriaatsit ineriartornerat pingarneq aamma kommunimi nunaannarmut pilersaarutit ataatsimoortillugit naliliiffingeqassapput.

Imm. 2. Kommunimut pilersaarutip ilusiligaanera pingarneq, imm. 1-im i taaneqartoq ataatsimoortoq aamma killifinnut nassuaatinik, aammalu kommunimi pingarnerit attaveqaatillu ataatsimut aaqqissuunneqarnerini siunissami ineriartornissamut periarfissanik naliliinermik imaqlarsinnaavoq.

§ 17. Kommunimi illoqarfiiut nunaqarfii luataasiakkaat ilusiligaaneranni pingarnermi, § 14, imm. 2, nr. 2-mi taaneqartumi nassuaatitaritinneqartumi kommunimi suliassaqarfinnut pilersaarutit ataatsimut naliliiffinginerisigut, kiisalu nunami sumiiffinnut agguaanissat killiliinissallu aalajangersarnerisigut eqikkaalluni naliliinissaq aalajangersarneqassaaq.

Imm. 2. Imm. 1 naapertorlugu kommunimut pilersaarutip ilusiligaanerani pingarnermi, kommunimut pilersaarummi sumiiffiit ilaats makku eqqarsaatigalugit inissiterneqassapput killilersorneqassallutillu:

- 1) Inissiat.
- 2) Sumiiffiit inuussutissarsiorfiusut umiarsualiveqarfii lu, taakkununnga nunaminertat suliffeqarfinnut avatangiisinut mingutsitsisunut immikkoortinneqarsimasut, kiisalu nunaminertat mingutsinneqarsimasut imaluunniit mingutsinneqarsinnaasut.
- 3) Sumiiffiit qitiusoqarfii, taakkununnga ilanngullugit sumiiffiit ataatsimoorfissatut siunertaqarfiusut kiisalu pisortat sullissivii il.il.
- 4) Nunaminertat sanaartorflungitsut kiisalu nunaminertat sukisaarsaarnissamik siunertaqarfiusut, taakkununnga ilanngullugit sunngiffimmi ornittakkat annerusut il.il.
- 5) Pilersuinermi teknikkimut atortut atortullu attaveqarnermut tunngasut allat, taakkununnga ilanngullugit angallannermut atortut.
- 6) Sumiiffiit ilaanni atuilernermi imaluunniit allilerinermi tulleriinnilersuineq.

§ 18. Kommunini nunaannarmi sumiiffiit ilaasa ilusiligaaneranni pingarnermi, § 14, imm. 1, nr. 2-mi taaneqartumi nassuaatitaritinneqartumi suliassaqarfinnut pilersaarutit ataatsimut naliliiffinginerisigut sumiiffinnut agguaanissat killiliinissallu aalajangersarnerisigut eqikkaalluni naliliinissaq aalajangersarneqassaaq.

Imm. 2. Imm. 1 naapertorlugu kommunimut pilersaarutip ilusiligaanerani pingarnermi, kommunimut pilersaarummi sumiiffiit ilaats inissiterneqassapput killissalersorneqassallutillu, makku eqqarsaatigalugit:

- 1) Sumiiffiit sunngiffimmi illuaqqanut illunullu aasarsiortarfinnut il.il. atorneqartut.
- 2) Sumiiffiit immikkut sukisaarsaartarfittut atorneqartut.
- 3) Sumiiffiit savaateqarfinnut, nunalerinermut, immamik atuinermut orpippassuarnillu naatitsinermut, qimmeqarfinnut il.il. atorneqartut.
- 4) Sumiiffiit teknikkeqarfittut attaveqarnermullu il.il. atorneqartut.
- 5) Sumiiffiit sanaartorfigineqartussaanngitsut, taakkununnga ilanngullugit sumiiffiit annertuumik ivigartorfissatut immikkoortinneqartut, sumiiffiit atuuffissaannik aalajangiiffiunngitsut aamma inuilaarsuaq.

Imm. 3. Kulturikkut eqqaamasassanut inatsit taannaluunniit malillugu eqqisisimatisinissamut tunngavissatut aalajangersakkat uniorlugit nunaminertanik annertuumik ivigartorfissanik atugasseeqquaanngilaq.

§ 19. §§ 17 aamma 18 naapertorlugit kommunimut pilersaarummi sumiiffiit ilaannut aalajangersaaneq makku eqqarsaatigalugit pissaaq:

- 1) Isumannaallisaanermi eqqarsaatigisassat kiisalu nunaminertat imermik katersuivit il.il. aallaavigalugit, atortut eqqaanni killeqarfiiit piumasaqaateqarfiusut inatsisini allani aalajangersarneqartut.
- 2) Eqqissisimatitat eriagisassallu, taakkununnga ilanngullugit illut illoqarfimmilu sumiiffiit eqqissisimatinneqartut eriagisaasullu, kiisalu pinngortitami sumiiffinniluunniit immikkut ittumik nalillit,

Kommunimut pilersaarutit aalajangersakkanut tunngasortaat, aalajangersakkat pingarnerit

§ 20. Nunaminertanik atuinermut sanaartukkanullu aalajangersakkat pingarnerit, § 14, imm. 2 nr. 3-mi taaneqartut makku eqqarsaatigalugit sumiiffiit ilaannut ataasiakkaanut aalajangersarneqassapput:

- 1) Sumiiffiup atorneqarneranut siunertaq.
- 2) Nunaminertanik sanaartukkanillu atuineq, taakkununnga ilanngullugit sullissiviit pisortallu kiffartuussiviisa allat inissisimaffii.
- 3) Sanaartukkap suussusia, inissisimaffia annertussusialu, taakkununnga ilaatigut ilanngullugit sanaartukkat akulikissusiat, portussusiat, ungasissutsimut tunngasut ilusiligaanerallu.
- 4) Sumiiffiup ilaani inissiat inuussutissarsiornerlu eqqarsaatigalugit initussuseq sinneruttoq.
- 5) Eqqissisimatitat eriagisassallu, taakkununnga ilanngullugit illut, atortut sumiiffiilluunniit eqqissisimatitat eriagisallu, pinngortitami nalillit eriagisassat, kiisalu sumiiffiit kulturikkut oqaluttuarisaanermut nalillit.
- 6) Qaartartuusivilit, tankeqarfiiit, mittarfeqarfiiit, imermik katersuiveqarfiiit, nalunaarasuartaaserisoqarfiiit aamma nunaminertat ikuallattoqartillugu annaassiniarnermut atorneqartartut il.il. eqqaanni isumannaallisaanermut killeqarfiiit.
- 7) Sumiiffiit ilaasa angallannikkut sullinnejnarnerat aamma pilersuinermut atortut inissisimaffii, taakkununnga ilanngullugit aqqusineqarfiiit aqqusersuutinullu ikkuffiit.
- 8) Sumiiffiup ilaani illoqarfimmik nutarterineq isaterinerlu,
- 9) Sumiiffiup ilaata immikkoortukkaarlugu annertusarneqarnera.
- 10) Sumiiffiup ilaani pineqartumi aalajangersakkat immikkut ittut, nuna tamakkerlugu soqutigisat qulakkeerneqarnissaat siunertaralugu Naalakkersuisunit aalajangersarneqarsimasut.

Imm. 2. Imm. 1 naapertorlugu aalajangersakkani pingarnerni kommunip suliassanik naammassinninnissaanut kommunalbestyrelsip saniatigut oqartussaasunit allanit suliniutit immikkut ittut, akuersissutit, akuersinerit imaluunniit saneqqutisinnaanermut akuersissutit apeqqutaassanersut allanneqassaaq.

Kommunimut pilersaarutit aalajangersakkanut tunngasortaat, aalajangersakkat nassuaasersukkati

§ 21. § 14, imm. 3 naapertorlugu aalajangersakkani nassuaasersukkani pissutsit uku aalajangersaaffigineqarsinnaapput:

- 1) Sanaartukkap inissisimaffia, tassunga ilanngullugu sanaartorfissat aalajangersarneqarnerat.

- 2) Sanaartukkap silataata isikkua, tassunga ilaatigut ilanngullugit ilusiliinissamut, qaliap ilusissaanut, toqqaviup portussusissaanut, atortunut aamma qalipaammik toqqaanermut aalajangersakkat.
 - 3) Aqqusernit pisuinnaallu aqquserni, aammalu pissutsit allat angallannermut pingaarutillit, taakkununnga ilanngullugit nunaminertanut angallaffiusunut aqqutit aamma angallannerit assigiinngitsut avissaartinneqarnissaat,
 - 4) Sumiiffiup ilaata nunaminertanik sanaartorfiunngitsunik immaqalu sunngiffimmi sammisaqartitsivinnik pilersorneqarnera,
 - 5) Aqqusersuutit inisisimaffiat, taakkununnga ilanngullugit innaallagissamik imermillu pilersuiviit,
 - 6) Aqqusernit nunaminertallu angallaffiusut allat kiisalu nunaminertat sanaartorfigineqarsimasut qaammaqquaasa ilusiligaanerat, atorneqarnerat aserfallatsaaliorneqarnerallu, taakkununnga ilanngullugit nunaminertat sanaartorfigineqartussaanngitsut, nunamik iluarsiinerit, ungalooqarfiit, naasunik aserutsaaliuineq.
 - 7) Sanaartukkanik pioreersunik avatangiisiinillu qaninnerusunik allanngutsaaliuineq, taamaalilluni illu aatsaat kommunalbestyrelsip akuersineratigut isaterneqarsinnaalluni, allanngortiterneqarsinnaalluni allatulluunniit allannguiffigineqarsinnaalluni.
 - 8) Pinngortitamik illersuiniissamut soqutigisat isumagineqarnissaat, kiisalu sumiiffiit nunataasa nalillit allanngutsaaliorneqarnissaat.
 - 9) Nunalerinermi soqutigisat isumagineqarnissaat, tassunga ilanngullugit nunaateqarfiit immikkut naleqartitat qulakkeerneqarnissaat.
 - 10) Sanaartukkanik nutaanik atuilernissamut sumiiffinni pilersaarutip iluaniittuni imaluunniit avataaniittuni atortunut ataatsimoorussanut, angallavinnut imaluunniit pilersuineremi teknikkikut atortoqarfinnut attaveqaatinik sanaartorneq attaviliinerluunniit.
 - 11) Atortunik ataatsimoorussanik sanaartornermut atatillugu aningaasaqarnikkut pissutsinik iluarsiineq, tassunga ilanngullugit atuisinnaatitaaffinnik pigisaqartut peqatigiiffissaannik pilersitsineq, taakku ilaasortaanissamut pisussaaffeqarnerat aamma peqatigiiffiup nunaminertanik ataatsimoorussanik atortunillu ataatsimoorussanik sanaartornermik, ingerlatsinermik aserfallatsaaliuinermillu isumagisaqarnissamut pisinnaatitaaffeqarnera pisussaaffeqarneralu.
 - 12) Avatangiisini nipimik, pujoralammik, tipimik allamillu avatangiisinut ajoquatasinnaasunik killilersuineq, taakkununnga ilanngullugit nunaminertat illullu sumiiffiit saniliusut eqqarsaatigalugit atorneqarnissaannut killeqarfiliussaasinnaasut.
 - 13) Sanaartukkanik nutaani sanaartukanut nukimmik annikitsumik atuisunut kommunalbestyrelsip anguniagassatut aalajangersagaat aalajangersimasut malinneqassasut pillugu piumasaqaat.
- Imm. 2. § 14, imm. 3 naapertorlugu sumiiffiit ilaanni imm. 1-mi taaneqartut saniatigut pissutsinut allanut aalajangersaasoqarsinnaasoq Naalakkersuisut aalajangersinnaavaat.*

Kommunalbestyrelsit nunaminertanik atugassiisarnerinut aalajangersakkat

§ 22. Nunaminertanik atugassiisarnermut aalajangersakkat § 14, imm. 2, nr. 4-mi taaneqartut kommunimut tamarmiusumut ataatsimut atuuttussanngorlugit aalajangersarneqassapput. Aalajangersakkat nunaannarmut, illoqarfinnut nunaqarfinnulluunniit ataasiakkaanut, imaluunniit sumiiffiit ilaannut ataasiakkaanut aalajangersakkanik immikkut ittunik ilaneqarsinnaapput.

Imm. 2. Aalajangersakkanik aalajangersaanermi makku eqqarsaatigineqassapput:

- 1) Nunaminertanik atugassinneqarnissamut qinnuteqaatit assigiimmik suliarineqartarnissaasa qulakkeerneqarnissaas.
- 2) Kommunimut pilersaarutini anguniakkat piviusunngortinneqarnissaat.
- 3) Sanaartorfissagissaanermut aningaasartuutaasinnaasut, kiisalu aningaasaqarnikkut pissutsit allat, illoqarfiup ineriartortinnejarnneranut sunniuteqartussat agguarneqarnissaat.

Kapitali 6

Kommunimut pilersaarutinik suliaqartitsineq

Kommunimut pilersaarutissatut siunnersuutit tamanut saqqummiunneqarneri

- § 23.** Kommunimut pilersaarutissatut siunnersuut akuersissutigineqareerpat kommunalbes-tyrelsip siunnersuut tamanut saqqummiutissavaa.
Kommunalbestyrelsi siunnersuutinik arla-linnik qinigassilluni tamanut saqqummiussisinnaavoq.
- Imm. 2.* Kommunalbestyrelsimi ikinnerussuteqartut kikkulluunniit kommunimut pilersaa-rutissatut siunnersuummut akuerineqartumut allatut isumaqarnertik kommunalbestyrelsip aalajangiinerinik allattuiffimmut ilannguteqquillugu piumasaqarsinnaavoq. Saqqummiussine-rup peqatigisaanik ikinnerussuteqartut pineqartut allatut isumaqarnerat, ikinnerussuteqartut tamatumunnga tunngavilersuutitut naatsumik allassimasaat ilanngullugu, kommunalbesty-relsip saqqummiutissagaa ikinnerussuteqartut piumasarisinnaavaat.
- Imm. 3.* Kommunimut pilersaarutissatut siunnersuut, imm. 2 naapertorlugu ikinnerussute-qartut allatut isumaqarnerannik ilanngussartaqartoq, innuttaasunut tikikkuminartumut inissil-lugu, minnerpaamik sapaatit akunnerini 8-ni kikkunnut tamanut takusassiarineqassaaq. Tamanut saqqummiussinermi kommunimi saqqummiussisoqartillugu nalinginnaasumik peri-aasisusartut atorneqassapput. Kommunimut pilersaarutissatut siunnersuut kommunip nittarta-gaani imaluunniit qarasaasiaq atorlugu, nunami sumiiffinnut tamanut paasissutissanik katersu-iffimmi takuneqarsinnaassaaq.
- Imm. 4.* Tamanut saqqummiussinermi imm. 3 naapertorlugu oqaaseqaateqarnissamut siun-nersuummullu allannguutissatut siunnersuuteqarnissamut piffissarititaasoq nalunaarutigineqassaaq.
- Imm. 5.* Kommunalbestyrelsip kommunimut pilersaarutissatut siunnersuutip siunertai imari-saalu pillugit tamanut ammasumik oqallittoqalernissaa siunertaralugu paasititsiniaaneq inger-latissavaa. Tamanut ammasumik saqqummiussineq kommunimi nalinginnaasumik periaasisusartut malillugit ingerlanneqassaaq.
- Imm. 6.* Tamanut saqqummiussinermut peqatigitillugu kommunimut pilersaarutissatut siunnersuut Naalakkersuisunut aamma oqartussanut Naalakkersuisut nassiussivigisartakkanut allattuiffianni allassimasunut, tak. imm. 7, nassiunneqassaaq. Akerliliissuteqarnissamut oqaaseqaateqarnissamullu piffissarititaasoq, tak. imm. 3, nalunaarutigineqassaaq.
- Imm. 7.* Naalakkersuisut pisussaapput oqartussat kommunimut pilersaarutissatut siunnersuummik tusarniaaffigineqarlutik nassinneqartussat allattuiffianni peqarnissamut, tak. imm. 6.
- Imm. 8.* Kommunalbestyrelsi kommunimut pilersaarutissatut siunnersuutip assilineranik tunniussinermut akitsummik akileeqqusisinnaatitaavoq.

Kommunimut pilersaarutissatut siunnersuutinik inaarutaasumik akuersineq

§ 24. § 23, imm. 3 naapertorlugu piffissaliussaq naappat, kommunalbestyrelsip kommuuni-mut pilersaarutissatut siunnersuut nutaamik suliareqqillugu, siunnersuut inaarutaasumik aku-ersissutigisinnavaa. Tamatumma peqatigisaanik tamanut ammasumik saqqummiussinerup nalaani akerliliissutit allannguutissatullu siunnersuutit tiguneqartut suliarineqassapput.

Imm. 2. Kommunalbestyrelsip imm. 1 naapertorlugu kommunimut pilersaarutissatut siun-nersuummik inaarutaasumik akuersissuteqarnerani, kommunalbestyrelsi siunnersummi tamanut saqqummiunneqarsimasumi allannguuteqartitsisinnaavoq. Allannguutit annertuppata imaluunniit pilersaarutip imarisauut tunngaviusunut akerliuppat, kommunimut pilersaarutis-satut siunnersuut allannguuteqartoq, akerliliissuteqarnissamut sapaatit akunnerinik minner-paamik 6-nik piffissaliussilluni nutaamik tamanut saqqummiunneqassaaq. Tamanut ammasumik nutaamik saqqummiusseqqinneaq § 23 malillugu pisinnaavoq.

Kommunimut pilersaarutit inaarutaasumik akuersissutigineqartut tamanut nalunaarutigineqarneri

§ 25. Kommunalbestyrelsi kommunimut pilersaarutissatut siunnersuutip inaarutaasumik akuersissutigineqareernerani pisariaqanngitsumik kinguarsaanertaqanngitsumik tamanut nalunaaruteqassaaq. Nalunaarummi tamanut saqqummiunneqartumi paasissutissiissutigine-qassaaq kommunimut pilersaarut siunnersummit saqqummiunneqareersumit immikkoortuni sutigut allaassuteqarnersoq.

Imm. 2. Kommunalbestyrelsip kommunimut pilersaarutip tamanut saqqummiunneqartup assinga ataaseq Naalakkersuisunut aamma oqartussanut § 23, imm. 6 malillugu pilersaarutis-satut siunnersuutip tamanut saqqummiunneqarnera pillugu allakkatigut nalunaarfingineqarsi-masunut nassiuressavaa.

Imm. 3. Kommunimut pilersaarut tamanut saqqummiunneqartoq kommunip qarasaasiaq atorlugu, nunami sumiiffinnut tamanut paasissutissanik katersuiffimmuit, tak. § 5, imm. 2, ilanngutis-savaa, taamaalilluni kikkunnit tamanit pissarsiarineqarsinnaassalluni.

Imm. 4. Kommunimut pilersaarutissatut siunnersuut inaarutaasumik akuersissutigineqarsimasoq atorunnaassaaq, kommunimut pilersaarutissatut siunnersuutip § 24 naapertorlugu inaarutaasumik akuersissutigineqarneraniit, imm. 1 naapertorlugu sapaatit akunneri 12-it qaangiutsinnagit tamanut nalunaarutigineqarsimannngippat.

Kommunimut pilersaarutinik pisoqalitsaaliuineq

§ 26. Kommunalbestyrelsip pisariaqalernerani kommunimut pilersaarut nutartertassavaa.

Imm. 2. Kommunimut pilersaarummi annertuumik imaluunniit uteqattaartumik allannguuteqartitsereernermeri, kikkunnit tamanit aamma Naalakkersuisunit atorneqarsinnaasunngorlugit pilersaarutip imarisai pillugit takussutissiorissaq aamma aalajangersakkat atuuttut ataatsimut allanneqarnissaat kommunalbestyrelsip qularnaassavaa.

§ 27. Kommunalbestyrelsi nunaminertani kommunimut pilersaarummi inaarutaasumik akuerineqarsimasumi pineqartuni sumiiffiup ilaannik aalajangersimasunik immikkoortitsisin-naavoq aammalu kommunimut pilersaarut naapertorlugu sumiiffiup ilaanut aalajangersimasu-mut aalajangersagaliorsinnaalluni, tak. kapitali 5.

Imm. 2. Nuna tamakkerlugu pilersaarusrusiornerup aamma kommunimut pilersaarutip naammassineqarnissaata qularnaarneqarnissaa pisariaqarpat, kommunalbestyrelsi § 14, imm. 3 malillugu sumiiffiup ilaanut aalajangersimasumut aalajangersagaliortitsissaq.

Imm. 3. Illuliortiternissanut sanaartornissanulluunniit annertuunut imaluunniit pingaarutilin-nut nunaminertamik atuinissamik akuersissummik tunniussinnginnermi aammalu ineqarfin-nik annertuunik pingaarutilinnilluunniit isaterilinnginnermi, sumiiffiup ilaani aalajangersima-sumi nunaminertanik atuinermut illuliortiternermullu maleruagassiisunik sukumiisunik aalajangersagaqarnissaa, tak. § 14, imm. 3, kommunalbestyrelsip isumannaassavaa.

Imm. 4. Sanaartugassatut aalajangiussat kommunimut pilersaarutip tunngavigisaannut imari-saanullu naapertuutumik suliarneqarnissaat, sumiiffiup ilaanut aalajangersimasumut aalaja-ngersakkani qularnaarneqassaaq.

Imm. 5. Sumiiffiup ilaanut aalajangersakkani suliaqartitsinissamik piumasaqaat, tak. imm. 2 aamma 3, atorunnaarsinnaavoq, sumiiffiup ilaanut pineqartumut maleruagassiineq sukumisoq inatsimmi allami aalajangersarneqarsimappat.

§ 28. Kommunimut pilersaarutip allannguuteqartinnerani (kommunimut pilersaarummut tapiliussaq) §§ 23, 24 aamma 25 taamatuttaaq atorneqassapput.

Imm. 2. Kommunimut pilersaarummut tapiliussaq taamaallaat sumiiffiup ilaanut aalajanger-simasumut ataatsimut atuussimappat § 23, imm. 3 naapertorlugu piffissaliussaq sapaatit akun-nerinut 6-nut sivikillisinnejarsinnaavoq.

Imm. 3. Kommunimut pilersaarummut tapiliussap siunertaa inatsisitigullu sunniutai, tak. §§ 29, 30 aamma 31, kommunimut pilersaarummut tapiliussap nassuaatitaani takuneqarsinnaassapput.

Kommunimut pilersaarutit utaqqiisaasumik aamma inaarutaasumik inatsisitigut sunniutai

§ 29. Kommunalbestyrelsi kommunimut pilersaarutip naammassineqarnissaanut sulissaaq, ilanngullugu nunaminertanik atugassiierni, tak. kapitali 8.

Imm. 2. Kommunimut pilersaarutip aalajangersakkanut immikkoortua, tak. § 14, imm. 2, nr. 3 aamma § 14, imm. 3, nunaminertamik sukkulluunniit piginnittuusumut imaluunniit atuisuusumut inatsisitigut pisussaaffiliivoq.

§ 30. Kommunimut pilersaarutip imaluunniit kommunimut pilersaarummut tapiliussap inaa-rutaasumik akuerineqarneranik § 25 malillugu tamanut nalunaaruteqarnerup pereernerani, § 50 naapertorlugu immikkut akuersissuteqartoqarsimatinnagu, inatsisink imaluunniit pissut-sinik piviusunik tunngaveqarluni kommunimut pilersaarutip aalajangersakkanut immikkoortuanut, tak. § 14, imm. 2 nr. 3 aamma § 14, imm. 3, imaluunniit nunaminertanik tunniussinerni atugassarititaasunut, tak. § 46, akerliusunik pilersitsisoqassanngilaq.

§ 31. Kommunimut pilersaarutissatut imaluunniit kommunimut pilersaarummut tapiliussas-satut siunnersuutip tamanut saqqummiunneqareernerani nunaminertat, illut sanaartukkallu siunnersuummi pineqartut illuliorfigineqassangillat allatigulluunniit kommunimut pilersaarutip imaluunniit kommunimut pilersaarummut tapiliussap inaaraasup imarisaanut sioqqutsisutut isikkoqarsinnaasumik iluaqtiginiarneqassanatik.

Imm. 2. § 23, imm. 3 naapertorlugu oqaaseqaatinut allannguutissatullu siunnersuutinut saqqummiussinissamut piffissaliussap naareernerani piffissaagallartillugu akerliliissutinik tigusaqartoqarsimangippat kommunalbestyrelsi nunaminertap kommunimut pilersaarutissatut siunnersuummi imaluunniit kommunimut pilersaarummut tapiliussassatut siunnersuummi pineqartup, kommunimut pilersaarummut imaluunniit kommunimut pilersaarummut tapiliussamut naapertuuttumik illuliorfigineqarnissaa imaluunniit allatigut iluaqtigineqarnissaa akuerisinnaavaa.

Imm. 3. Imm. 1-imi aamma 2-imi aalajangersakkat kommunimut pilersaarutissatut siunnersuutip tamanut nalunaarutigineqarnissaata tungaanut atuutissapput, tak. § 25, taamaattorli siunnersuutip saqqummiunneraniit naatsorsukkamik sivisunerpaaamik ukumi ataatsimi.

§ 32. § 14, imm. 2 nr. 3 aamma § 14, imm. 3 naapertorlugit sumiiffiup ilaanut aalajangersimasumut aalajangersagaliornikkut pissutsink pinngitsoortinneqarsinnaasunik pilersitsisoqarnissaa kommunalbestyrelsip inerteqqtigisinnaavaa.

Imm. 2. Inerteqquqteqarneq ukioq ataaseq tikillugu sivisussuseqarsinnaavoq ataasiaannar-lunilu pisinnaalluni. Inerteqquqteqarneq tamanut nalunaarutigineqassaaq.

§ 33. Kommunalbestyrelsi isumaqtiginiareerlugu Naalakkersuisut kommunimut pilersaa-rutip naammassineqarnissaanut piffissaliussanik aalajangersaasinnaavoq.

Kapitali 7.

Kommunimut pilersaarusrornermi periaatsit

§ 34. Kommunimi qinigaaffiup affaata siulliup qaangiutinnginnerani kommunalbestyrelsip kommunimi pineqartumi kommunimut pilersaarusrornermi periusissatut siunnersuutit tamanut ammasumik saqqummiutissavai. Aamma kommunalbestyrelsip pisariaqartutut naleqquttutulluunniit isumaqarfingiguniuk, sukkulluunniit siunnersummik taamaattumik suliaqarsinnaavoq tamanullu ammasumik saqqummiussisinnaalluni.

Imm. 2. Periusissatut siunnersuut imm. 1-imi taaneqartoq kommunimut pilersaarutip kingullermik iluarsineqarnerata, kommunalbestyrelsip ineriartortitsinermik naliliinerata suliniutissaasalu aalajangiiffingineqarnerisa kingorna kommunimut pilersaarutit pillugit paassisutissanik imaqassaaq, kiisalu makku pillugit aalajangiinernik imaqassalluni,

- 1) kommunimut pilersaarut tamarmi iluarsaanneqassasoq,
- 2) kommunimut pilersaarummi sammisami ataatsimi amerlanerusuniluunniit iluarsaassiisoqassasoq,
- 3) kommunip nunataani sumiiffiit ilaannut iluarsaassisoqassasoq,
- 4) kommunimut pilersaarut ukiuni sisamani atuuttussanngorlugu nutaamik akuerineqassasoq.

§ 35. § 34 naapertorlugu periusissanut siunnersuutip tamanut ammasumik saqqummiunneqarneranut peqatigitillugu, periusissanut siunnersuutit akuerineqartut Naalakkersuisunut aamma oqartussaasunut, soqutigisamikkut kalluarneqartussanut nassiuinneqassapput, tak. § 23, imm. 7.

Imm. 2. Kommunalbestyrelsimi ilaasortaq kinaluunniit, imm. 1-im i periusissanut siunnersummut taaneqartumut isummaminik allaanerusumik kommunalbestyrelsip allattaavianut allattoqarnissaanik piumasaqarsimasoq, periusissanut siunnersummut peqatigitillugu isummap allaanerusup, ilaasortamit naatsumik tunngavilersorneqarsimasup tamanut saqqummiunneqarnissaa piumasarisinnaavaa.

Imm. 3. Periusissanut siunnersuut, imm. 2 naapertorlugu ikinnerussuteqartut allaanermik isummersuutaannik ilaqtarinneqarsinnaasoq, oqaaseqaateqarfingisassanngorlugu allannguutissanillu siunnersuuteqarfingineqarfingisassanngorlugu sivikinnerpaamik sapaatit akunnerini arfinilinni innuttaasunit takuniarneqarsinnaalluni saqqumitinneqassaaq. Tamanut ammasumik saqqummiussineq kommunimi pisarneq nalinginnaasoq malillugu pissaaq.

Imm. 4. Imm. 3 naapertorlugu piffissaliussaq naappat, kommunalbestyrelsip suliamik suliaqarnermini nutaamik aallartitsinermigut periusissanut siunnersuut inaarutaasumik suliarisinnaavaa. Tamatumunnga atatillugu oqaaseqaatit tiguneqartut kommunalbestyrelsip isummerfigissavai. Kommunalbestyrelsip tamatumunnga atatillugu suliniutissanut saqqummiunneqartunut allannguutissat aalajangiiffigisinnavaavai.

Imm. 5. Kommunalbestyrelsip periusissat tamanut ammasumik nalunaarutigissavai, aammalu suliniutip saqqummiunneqarsimasup naqinnea ataaseq oqartussaasunut imm. 1-im taaneqartunut nassutiissallugu.

§ 36. § 35, imm. 5 naapertorlugu tamanut ammasumik nalunaaruteqartoqareerpat, kommunalbestyrelsip kommunimut pilersaarummut siunnersuutit taamaattut imaluunniit tassunga allannguutit periusissani aalajangiunneqarsimasut suliarinissaat qinersinnaavaa.

Kapitali 8

Nunaminertanik atugassanngortitsisarneq

Nunaminertat atorneqarnissaannut akuersissut

§ 37. Nunaminertanut oqartussaasunit akuersisoqarsimatinnagu nunaminertaq sunaluunniit nalinginnaasumik atorneqassanngilaq atorneqalissananiluunniit, taamaattorli tak. § 38, imm. 4.

Imm. 2. Nunaminertanut oqartussaasunit akuersisoqarsimatinnagu nunaminertap suulluun-niit atorneqarnera allangortinneqassanngilaq.

Imm. 3. Nunaminertamik atugassanngortitsineq inummut akuerineqartumut tunngatitaavoq. Nunaminertamut atuisinnaatitaanermik tunniussineq sunaluunniit nunaminertanut oqartussaasumit akuerineqaqqaassaaq.

Imm. 4. Nunaminertamik atuisinnaatitaaneq niuerutigineqassanngilaq imaluunniit taarsigassarsianut qularnaveqqusiunneqassanani.

§ 38. Kommunalbestyrelsi kommuneqarfimmi pineqartumi nunaminertanut oqartussaasuu-voq aammalu kommuneqarfimmi nunaminertat atorneqarnissaannik akuersisartuulluni, taamaattorli tak. imm. 4.

Imm. 2. Kommunit aggornerisa avataanniittuni atuisinnaatitaaneq Naalakkersuisunit nalua-naarutigineqassaaq.

Imm. 3. Kommunalbestyrelsi nunaminertanik sanaartorfissanik nuna tamakkerlugu pilersaa-rusiornermut pingaaruteqartunik atugassiilluni akuersissuteqannginnermini Naalakkersuisut akuersissutaannik pissarsiniaqqaassaaq.

Imm. 4. Sanaartugassanut inatsisit aamma nuna tamakkerlugu pilersaarusrusiornermut malitas-siat il.il. naapertorlugit nunaminertanik atuinissamut akuersissutit Naalakkersuisunit tunniun-neqarsinnaapput.

§ 39. Nunaminertamik atugassiineq qinnuteqartoqarneratigut inunnut, suliffeqarfinnut, ingerlatseqatigiiffinnut, peqatigiiffinnut assigisaannulluunniit tunniunneqarsinnaavoq.

Nunaminertamik atugassinneqarnissamik qinnuteqarneq

§ 40. Nunaminertamik atugassinneqarnissamik qinnuteqaat kommunimi pineqartumi communalbestyrelsimit nassiunneqassaaq.

Imm. 2. Nunaminertanut kommunit aggornerisa avataanniittunut tunngatillugu, nunaminertamik atugassinneqarnissamik qinnuteqaat Naalakkersuisunut nassiunneqassaaq.

Nunaminertanik atuinissamik qinnuteqaatit tamanut ammasumik saqqummiunneqartarerat aamma tusarniaasареq

§ 41. Kommunimi illoqarfinni nunaqarfinnilu nunaminertat sorliit, kommunip pilersaarusrusiornera, ilanggullugu sanaartorfissagissaanermi sumiiffiit ilaannik nutaanik ilanngussinissamut pingarnertut ilusiliinermut pilersaarut, malillugu nunaminertanik atugassiiffigineqartussatut naatsorsuutigineqarsinnaanersut pillugit ingerlaavartumik tamanut ammasumik saqqummiisassalluni nunaminertanut oqartussaasoq pisussaavoq.

§ 42. Illoqarfinni nunaqarfinnilu nunaminertanik atugassiinermut inaarutaasumik aalajangiisoqannginnerani, communalbestyrelsi pisussaavoq nunaminertamik atugassinneqarnissamik qinnuteqaat pillugu tamanut ammasumik ilisimatitsissuteqassalluni.

Imm. 2. Qinnuteqaatigineqartoq sumiiffiup ilaanut aalajangersakkanut sukumiisunut naapertuuppat, imm. 1 naapertorlugu tamanut saqqummiussinissamik piumasaqaat sanequnneqarsinnaavoq.

Imm. 3. Nunaminertat, illut, atortut nunaminertanilluunniit atuinerit allat, tassunga ilanngullugit nunaminertamik atuinermitk allanguineq imaluunniit illunik tunisinermut il.il. atatillugu atuisinnaatitaanermik tunniussinerit annikinnerusut imaluunniit pingaannginnerusut pineqartillugit, imm. 1-im tamanut ammasumik saqqummiussinissamik piumasaqaat sanequnneqarsinnaavoq.

§ 43. Qinnuteqaatip tamanut ammasumik saqqummiunneqarneranut atatillugu nunaminertanut oqartussaasoq qinnuteqaatigineqartumut akerliliinissamut ulla 14-it inornagit periarfissaqartitsinissamik aalajangiissaaq.

Imm. 2. Qinnuteqaammik akerliliissummik tigusaqartoqarpat, nunaminertanut oqartussaasup akerliliissutit qinnuteqaatip suliarineqarnissaanut ilanngutissavai.

§ 44. Nunaannarmi nunaminertamik atugassiinerup nalunaarutigineqarnissaa sioqqullugu, kommunalbestyrelsi pisussaavoq qinnuteqaat tamanut ammasumik saqqummiutissallugu kiisalu taanna oqartussaasunut soqutigisaqartuusinnaasunullu kalluarneqartunut tusarniaassutigissallugu.

Imm. 2. Imm. 1 naapertorlugu oqartussaasunut tusarniaanissaq, oqartussaasut pineqartut tusarniaaffigineqannginnissartik akuerippassuk pinngitsoortinnejqarsinnaavoq.

Imm. 3. Tusarniaanermi akissuteqarnissamut piffissarititaasup kommunalbestyrelsimit aalajangersarneqartup iluani oqartussaasut, tusarniaaffigineqartut allallu tamatuma kingorna oqaaseqaatiminnik imaluunniit akerliliissutiminnik saqqummiussisinnapput. Oqaaseqaatinik imaluunniit akerliliissutinik saqqummiussinissamut piffissaliussaq, qinnuteqaatip tamanut ammasumik saqqummiunneqareerneranit imaluunniit tusarniaaffigineqartumit tiguneqarneranit sivikinnerpaamik sapaatit akunnerinik pingasunik sivisussuseqassaaq.

Imm. 4. Atuisinnaatitaanermik tunniussineq imaluunniit sanaartugassat annikinnerusut isumaqannginnerusulluunniit, taakkununnga ilanggulligit illuaqqani pioreersuni alliliinerit il.il. matumani pineqarpata, imm. 1 naapertorlugu tamanut ammasumik saqqummiussinissamik tusarniaanissamillu piumasaqaat saneqqunnejqarsinnaavoq.

Nunaminertanik atugassiisarneq

§ 45. Nunaminertamik atugassiineq nuna tamakkerlugu pilersaarusrornermi soqutigisanut, taakkununngalu ilanggullugu Namminersorlutik Oqartussat suliassaqarfinnut inatsisaat imaluunniit nuna tamakkerlugu pilersaarusrornermi sanaartorfissanik pilersaarusrornermi soqutigisat, uniuutissanngilaq.

Imm. 2. Aamma nunaminertamik atugassiineq kommunimut pilersaarummut naapertuuttussaavoq, ilanggullugu sumiiffiup ilaanut pineqartumut aalajangersakkat kommunimut pilersaarummi aalajangersagaasut, §§ 20 aamma 21.

Imm. 3. Qinnuteqaammi imm. 1-im i aamma 2-mi piumasaqaatitut taaneqartut naammassineqarsimappata nunaminertanut oqartussaasoq nunaminertamik atugassiisussaavoq, tassani § 32 naapertorlugu inerteqquteqarnerup atorunnaarsinneqarnissaa kommunalbestyrelsimit aalajangerneqarsimanngippat, tamatumalu kingunerisaanik sumiiffiup ilaanut pineqartumut aalajangersakkanik, nunaminertamut qinnuteqarfingineqartumut akornusiisunik suliaqartoqarsimanngippat. Nunaminertanik atugassiineq §§ 43 aamma 44 naapertorlugu piffissaliussat naanerisa kingorna kingusinnerpaamik sapaatit akunneri 12-it qaangiunnerini nalunaarutigineqassaaq.

Imm. 4. Nunanimertami qinnuteqarfingineqartumi teknikkikkut aningaasaqarnikkullu piviusunngortitsisinnaanermut upternarsaatnik nunaminertanut oqartussaasoq piumasaqarsinnaavoq.

Nunaminertanik atugassiisarnermut atatillugu atugassarititaasut

§ 46. Nunaminertamik atugassiinermi akuersissuteqarnermi piumasaqaatinik atugassarititaasunillu, § 1-im siunertanut taaneqartunut iluaqutaasussanik piumasaqaateqartoqarsinnaavoq. Piumasaqaatit atugassarititaasullu aalajangersarneqartut imaat aqqutigalugit kommunimut pilersaarusrornermi isumassarsianut tunngaviusunut imaanullu naleqquatumik sanasoqarnissaa qulakkeerneqassaaq.

Imm. 2. Nunaminertanik atugassiinermut atatillugu nunaminertanut oqartussaasoq pissutsit uku pillugit piumasaqaateqartassaaq:

- 1) Nunaminertap atorneqarnissa.
 - 2) Akuersissutip sivisunerpaaamik ukiuni marlunni atorneqarnissaanut piiffissaliineq.
 - 3) Sanaartorfissagissaanermut aningaasartuutit akilerneqarnissaat.
 - 4) Atortunut ataatsimoorussanut atassusiinissamut pisussaaffeqartitsisoqarsinnaavoq,
 - 5) Atuisinnaatitaanerup atorunnaarsinneqarsinnaaneranut piiffissaliineq,
 - 6) Nunaminertamik atuinerup atorunnaarneranut atatillugu torersaanissamut iluarseeqqinnissamullu pisussaaffeqarneq.
 - 7) Nunaminertamik atulernissaq sioqqullugu oqartussaasut akuersissutaannik akuersissutinillu pisariaqartunik allanik pissarsiarnissaq.
- Imm.* 3. Pissutsit sumiiffiit ilaannut maleruagassanut atuuttunut naleqqiullutik naammaginartumik suliarineqarsimannngippata, aamma nunaminertanut oqartussaasoq makku pillugit ilassutaasunik piumasaqarsinnaavoq:
- 1) Pissutsit angallannermut aqqutinullu tunngasut.
 - 2) Ruujoreqarfitt aqqusersuuteqarfiiillu inissismaffii.
 - 3) Pissutsit allat kommunimut pilersaarutip piviusunngortinnejarnissaanut pingaaruteqartut.

§ 47. Nunaminertaq § 46, imm. 2 naapertorlugu tamatumunnga piiffissarititaasup iluani atorneqalersimannngippat, nunaminertamik atugassiineq atorunnaarsinneqassaaq.

Nalunaarsuisarneq

§ 48. Nunaminertanut oqartussaasoq pisussaavoq, nunaminertat atugassanngortinnejartut nutaat NIN-imi – Kalaallit Nunaanni Nunaminertanut nalunaarsuiffimm – nalunaarsussallugit.

Imm. 2. Nunaminertanut oqartussaasoq pisussaavoq, kommunimi nunaminertanut atuisinnaatitaaffiit atuuttut tamakkerlugit allattuiffimmik ataatsimoortumik suliaqartoqarnerani, illoqarfinni nunaqarfinnilu pisinnaatitaaffiit atuuttut misissussallugit iluarsaatissallugillu.

§ 49. Nunaminertanik atugassiinerit Paasitinnejqarsinnaatitaanermut inatsimmi maleruagassat naapertorlugit tamanit takuneqarsinnaassapput, ilanngullugu nunaminertamut pineqartumut atugassarititaasut suut tunngavigineqarsimannersut, tak. § 46.

Imm. 2. Nunaminertamik atugassiinermi inuit pillugit paasissutissat imm. 1-imut ilaatinneqanngillat, tak. pisortat ingerlatsineranni suliassat suliarineqartarnerat pillugu Inatsisartut inatsisaanni kapitali 3.

Immikkut ittumik akuersinerit

§ 50. Immikkut ittumik akuersineq sumiiffiup ilaanut aalajangersimasumut kommunimut pilersaarummi aalajangersakkat tunngaviinut akerliunngippat, sumiiffiup ilaanut aalajangersi-masumut aalajangersakkat sukumiisut, tak. § 14, imm. 3, sanequnneqarnissaannut immikkut ittumik akuersissuteqarnerit kommunalbestyrelsimit nalunaarutigineqarsinnaapput.

Imm. 2. Sumiiffiup ilaanut aalajangersimasumut aalajangersagaq, Namminersorlutik Oqartussani naalagaaffimmiluunniit oqartussaasumik

isumaqatigiissuteqarnikkut aalajanger-sarneqarsimasoq, aatsaat oqartussaasup pineqartup akuersineratigut saneqqunneqarsinnaavoq.

Imm. 3. Sumiiffiup ilaanut aalajangersakkanit atuuttunit annertunerusunik nikingassuteqartitsinerit, sumiiffiup ilaanut pineqartumut aalajangersakkanik nutaanik pilersitsinikkut aatsaat pisinnaapput.

Imm. 4. Aalajangersakkat sanilinut attuumassuteqartunulluunniit allanut pingaarutillit saneqqunneqarnissaannut immikkut ittumik akuersinerit, sanilit imaluunniit allat suliap naammassineqarneranut annertuumik nammineerlutillu soqutigisaqartutut nalilerneqartut kommunalbestyrelsimit tusarniarneqarneranniit minnerpaamik sapaatit akunneri marluk ingerlareerpata, aatsaat nalunaarutigineqarsinnaapput. Tusarniaanermi sumut immikkut ittumik akuerineqanissamik qinnuteqartoqarnersoq aammalu oqaaseqaatigiumasat sivikinnerpaamik sapaatit akunnerinik marlunnik piffissaliussap iluani nassiunneqassasut nalunaarutigineqassaaq.

Pinngitsaaliisummik taarsiinertalimmik arsaarinnissuteqartarneq aamma tigusisarneq

§ 51. Nalinginnaasumik aammalu sumiiffiup ilaanut aalajangersimasumut kommunimut pilersaarummi aalajangersakkat, tak. § 14, imm. 2, nr. 3, aamma § 14, imm. 3, naammassineqarnissaannut pisariaqarpat, pigisanik aalaakkaasunik arsaarinnissuteqartarneq pillugu Inatsisartut inatsisaanni aalajangersakkat naapertorlugit pinngitsaaliisummik taarsiinertalimmik arsaarinnissuteqarnissaq aallartinneqarsinnaavoq.

Imm. 2. Suliassaqarfinni Namminersorlutik Oqartussat ataanniinngitsuni pinngitsaa-liisummik taarsiinertalimmik arsaarinninneq pineqarpat, pigisanik aalaakkaasunik arsaarin-nissuteqartarneq pillugu Kalaallit Nunaannut inatsimmi aalajangersakkat atuutissapput.

§ 52. Sumiiffiup ilaani aalajangersimasumi communalbestyelsi akuersiteeqaarnagu illunik imaluunniit sanaartukkanik isaterisoqassanngitsoq, allanngortiterisoqassanngitsoq, allatigul-luunniit allanngortitsisoqassanngitsoq aalajangerneqarsimappat, akuersisummillu tunniussi-nissaq itigartinneqarpat, piginnittup piumasarisinnaavaa taarsiissuteqarfigalugu kommunip tamakkiisumik ilaannaasumilluunniit tigussagaa.

Imm. 2. Taamaattorli kommuuni aatsaat imm. 1 naapertorlugu tigusisussaatitaavoq, illulior-titerfiup aningaasatigut iluaqtigineqarsinnaanerata aamma illulior-titerfiup assingusumik ator-neqartup kisiannili isaterinissamik aamma allanngortiterinissamik inerteqquteqarnermi pine-qartunut ilaangitsup aningaasatigut iluaqtigineqarsinnaanerata akornanni annertuumik nikingsasoqarpat.

Imm. 3. Illuatungeriit isumaqatigiissuteqanngippata taarsiissuteqarnissaq Naalakkersuisut pinngitsaaliisummik taarsiinertalimmik arsaarinnissuteqartarnermut ataatsimiitaliaannit aalajangersarneqassaaq, tak. pigisanik aalaakkaasunik arsaarinnissuteqartarneq pillugu Inatsisartut inatsisaat.

Kapitali 9

Aalajangersakkat ataatsimoorussat

Akitsuutit

§ 53. § 27, imm. 2 aamma 3 naapertorlugin pilersaarusiortussaatitaaneq sanaartugassamit ataatsimit aallartinneqarpat, kommunimut pilersaarummut tapiliussassatut siunnersummik suliaqarnermut aningaasartuutit sanatitsisumit matussuserneqarsinnaasut kommunalbestyrelsip piumasarisinnaavaa.

Imm. 2. Sanatitsisup akitsuummut kommunimut akuerisamut qularnaveeqqusiissasoq communalbestyrelsip piumasarisinnaavaa, tak. imm. 1.
Imm. 3. Pilersaarusiortussaatitaaneq sanaartugassamit ataatsimit, sanaartorfissanik pilersaarusiornermi il.il. nuna tamakkerlugu pilersaarusiornikkut soqutigisani aalajangersagaasumit aallartinneqarsimappat, imm. 1 aamma 2 atorneqassannngillat.

§ 54. Nunaminertamik atugassinneqarnissamik qinnuteqaatinut atatillugu suliassanik suliaqarnissamut akitsuutinik communalbestyrelsi kommunimi malittarisassani aalajangersaasinnaavoq akiliisitsisinhaallunilu.

Imm. 2. Akitsuut oqartussaasut suliariinnerannut atatillugu nunaminertanut oqartussaasut aningaasartuutaannut matussutaasinnaavoq. Akitsuutip annertussusaa assigiinningsitaartinneqarsinnaavoq, kisiannili ingerlatsinermut aningaasartuutinut tamanut, toqqaannartumik kommunip oqartussaasutut suliariinneranut attuumassutilinnut matussutaasinnaalluni.

Imm. 3. Akitsuut kommunip karsianut nakkartinneqassaaq.

§ 55. Akitsuutinik akiliisitsisarnermut aammalu akitsuutit annertussusaannut, tak. §§ 53 aamma 54, aalajangersakkanik erseqqinnerusunik Naalakkersuisut aalajangersaasinnaapput.

Naammagittaalliuutit

§ 56. Naalakkersuisut pilersaarutinut aamma nunaminertanut naammagittaalliuuteqartarfik arlaannaannulluunniit attuumassuteqanngitsoq pilersissavaat.

Imm. 2. Pissutsit Inatsisartut inatsisaanni matumani pineqartut pillugit imaluunniit maleruagassat Inatsisartut inatsisaat manna naapertorlugu aalajangersagaasut naapertorlugin communalbestyrelsip aalajangiinera, pissutsit inatsisinut tungassuteqarpata, pilersaarutinut aamma nunaminertanut naammagittaalliuuteqartarfimmut suliassanngortinneqarsinnaapput. Taamaattorli pinngitsaaliissummik taarsiernalimmik arsaarinissuteqartarneq pillugu aalajangiinerit, tak. §§ 51 aamma 52, pilersaarutinut aamma nunaminertanut naammagittaalli-uuteqartarfimmut suliassanngortinneqarsinnaanngillat.

Imm. 3. Naammagittaalliuuteqarnissamut pisinnaatitaavoq:

- 1) Aalajangiinermi siunnerfigineqartoq.
- 2) Kinaluunniit suliap inerneranut nammineerluni aamma annertuumik soqutigisaqartutut nalilerneqartoq.

Imm. 4. Naammagittaalliuutaasoq communalbestyrelsip aalajangiinerminkin nalunaaruteqar-neraniit kingusinnerpaamik sapaatit akunneri 8-it qaangiunneranni tunniunneqassaaq.

Imm. 5. Kommunalbestyrelsip akuersissutaanik tigusisoq

naammagittaalliorqarneranik pilersaarutinut aamma nunaminertanut naammagittaalliuuteqartarfimmit nalunaarfigineqassaaq.

Imm. 6. Naammagittaalliuuteqartarfiup aalajangiineri allaffissornikkut oqartussanut allanut suliassanngortinneqarsinnaanngilaq. Aalajangiineq eqqartuussivinnut Kalaallit Nunaanni Eqqartuussivimmuit siullertut suliarinnittussatut suliakkiissutigineqarsinnaavoq.

§ 57. Pilersaarutinut aamma nunaminertanut naammagittaalliuuteqartarfiup naammagittaal-liuuteqarneq akuersissutissanut inerteqqutissanulluunniit kinguartitsinermik kinguneqartiler-sinnaavaat, naammagittaalliuuteqartarfiup aalajangiinissaata tungaanut imaluunniit naamma-gittaalliuuteqartarfiup allatut aalajangernissaata tungaanut.

§ 58. Naalakkersuisut naammagittaalliuuteqartarfiup inuttalorsorneqarnissaa atuunnissaalu pillugit aalajangersakkanik erseqqinnerusunik aalajangersaasinnaapput.

Nakkutilliineq

§ 59. Naalakkersuisut pilersaarusrornermut oqartussaasua aamma kommunip pilersaarusrornermut oqartussaasua peqqussut manna malillugu pilersaarusrornerminni nakkutilliiniarlutik kiisalu uuttortaaniarlutik allanillu teknikkikut piareersaaniarlutik, atuisinnaatitaasumut pigin-nittumulluunniit siumut nalunaaruteqareernermikkut, nunaminertanut tamanut aamma pigisamut aalaakkaasumut inuup nammineq pigisanut sumulluunniit takusaanissartik piumasarisin-naavaat.

Imm. 2. Piumasarineqartillugu kinaassutsimik uppernarsaat takutinnejqassaaq.

Imm. 3. Pilersaarusrornermut oqartussaasoq pisussaavoq atuisinnaatitaasoq imaluunniit piginnittooq oqartussaasut isernissamut piumasaqarnerannut tunngavilersuutaasumik ilisimatissallugu.

§ 60 Kommunalbestyrelsip pilersaarusrornermut nunaminertanullu inatsisip maleruagassallu taakkua tunngavigalugit maleruagassiaasut malinnejqarnissaat nakkutigissavaa.

Imm. 2. Pissutsinik inatsisinik unioqqutitsisunik communalbestyrelsi paasisaqaruni, communalbestyrelsip illummi piginnittooq imaluunniit nunaminertamik atuisoq communalbestyrelsip piffissaliussaata iluani pissutsinik inatsisinut naapertuuttumik iluarseeqquillugu peqqussavaa. Kommunalbestyrelsi aalajangersinnaavoq inatsisinut naapertuuttunngortitsineq pissutsip aaqqinneratigut imaluunniit inatsisitigut iluarsiinikkut pissanersoq.

Imm. 3. Kommunalbestyrelsip Inatsisartut inatsisaat manna, maleruagassat Inatsisartut inatsisaat manna naapertorlugu aalajangersagaasut kiisalu aalajangersakkat § 66, imm. 3 naapertorlugu atuutsiinnarneqartut malillugit peqqussutaasut inerteqqutasullu eqquutsinnejqarnissaat aamma atugassarititaasut akuersissutini aalajangersagaasut malinnejqar-nissaat nakkutigissavai.

§ 61. Naalakkersuisut inatsisinik unioqqutitsisoqartoq paasigunikku, Naalakkersuisut pissut-sit taakkua inatsisinut naapertuuttunngorteqquillugit communalbestyrelsip peqqussutigisin-naavaat. Naalakkersuisut aalajangersinnaavaat inatsisinut naapertuuttunngortitsineq pissutsip aaqqinneratigut imaluunniit inatsisitigut iluarsiinikkut pissanersoq.

Imm. 2. Suliaq inatsisinik unioqqutitsisoq suliarineqareersimappat aammalu

pilersaarusior-neq eqqarsaatigalugu kikkullu tamarmik nunaminertanik aqutsinermut peqataatinneqartarnis-saannut tunngasut eqqarsaatigalugit akerliunngippat, Naalakkersuisut kommunimut pilersaa-rusiorneq aamma immikkut ittumik akuersissuteqartarneq pillugit maleruagassat atuutsinngit-soorsinnaavaat.

Pineqaatissiissutit

§ 62. Sukkulluunniit illumik piginnittup imaluunniit nunaminertamik atuisup pissutsit inatsimmik unioqqutitsisut iluarsinissaat pisussaaffigaa.

Imm. 2. Piginnittup atuisulluunniit pissutsit inatsimmik unioqqutitsisut iluarsinissaat pillugu § 60, imm. 2 malillugu peqqussutigineqartoq tamatumunnga piffissaliunneqartup iluani malinngippagu, communalbestyrelsip piginnittooq imaluunniit atusoq pissutsit iluarseqqullugit tulleriaartumik pinngitsaaliisummik akiliisussanngortillugu allaffissornikkut peqqusinnaavaa.

Imm. 3. Pinngitsaaliisummik akiligassiinerit allaffissornikkut pisussaaffiliunneqarnerisa peqatigisaanik communalbestyrelsi § 63 malillugu suliakkiinissaq siunertaralugu politiinut nalunaaruteqassaaq.

Imm. 4. Imm. 2 malillugu akiligassiissutit kommunip karsianut tutsinneqassapput.

§ 63. §§ 29, 30, 31 aamma 37, imm. 1 aamma 4-imik unioqqutitsineq aammalu §§ 32 aamma § 60, imm. 2 naapertorlugin peqqusisummik inerteqqumilluunniit malinninnginneq pillaammik akiliisitaasussanngortitsinermik imaluunniit Kalaallit Nunaannut pinerluttulerinermut inatsit malillugu inatsisinut naapertuutunngortitsinissamik peqqusissuteqarnermic kinguneqarsinnaavoq.

Imm. 2. Inatsisartut inatsisaanni akiliisitsinissamik pineqaatissiinissaq tunngavissinneqarsimappat, akiligassiissut Kalaallit Nunaanni pinerluttulerinermut inatsimmi maleruagassat malillugit pisussaatitaasunut pisinnaatitaasunullu pisussaaffiliissutaasinnaavoq. Taamatuttaaq pisussaatitaasut pisinnaatitaasullu pissutsinik inatsisinut naapertuutunngortitsinissammik pisussaaffilerneqarsinnaapput.

Imm. 3. Eqkartuussinikkut pissutsit inatsisinik unioqqutitsisut iluarsineqarnissaannik peqqusissuteqarneq, eqkartuussisummi piffissaliussap aalajangersarneqartup iluani malinnejqarsimannngippat, aammalu § 62 malillugu pinngitsaaliisummik akiligassiisummik akiliisitsiniarneq eqkartuunneqartup peqqusisummik malinninnissaanik Kinguneqarsinnaasoq naatsorsutigineqanngippat, communalbestyrelsip pissutsinik iluarsiinissaq pisariaqartoq piginnittup akiligassaatut isumagisinnaavaa.

Imm. 4. Imm. 1 aamma 2 malillugit suliad Kalaallit Nunaanni Eqkartuussivimmut siullertut suliaqartussatut suliakkiissutigineqassapput.

Imm. 5. Imm. 1 aamma 2 malillugit akiligassiissutit nunap karsianut nakkartinneqassapput.

§ 64. Nunaminertaq inatsisinik unioqqutitsisumik atorneqarpat aammalu piginnaatitsisummik pigisaqartup communalbestyrelsip § 60, imm. 2 naapertorlugu inatsisinik malinnitsitsilernissamik peqqusissutaat malinngippagu, communalbestyrelsip nunaminertamut atuisinnaatitaaneq atorunnaarsissinnaavaa.

Imm. 2. § 63 malillugu suliakkiisoqarsimappat, imm. 1 malillugu aalajangiisoqarsinnaanissaanut, taassuma inerneqarnissaa utaqqineqassaaq.

Kapitali 10

Atuutilersitsinissamut aalajangersakkat

§ 65. Inatsisartut inatsisaat ulloq 1. januar 2011 atuutilerpoq.

Imm. 2. Tamatumma peqatigisaanik atorunnaarsinneqarput:

- 1) Pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersoq.
- 2) Kommunimut pilersaarusiorneq aamma nunaminertat atorneqarnerat pillugit Namminersornerullutik Oqartussat nalunaarutaat nr. 7, 26. februar 2009-imeersoq.
- 3) Kalaallit Nunaanni savaateqarnermut nunaminertamik atugassiisarneq pillugu Kalaallit Nunaannut Ministeriaqarfiup nalunaarutaa nr. 538, 27. juli 1979-imeersoq.

Kapitali 11

Ikaarsaarnermut aalajangersakkat

§ 66. Maleruagassat atugassarititaasullu pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersoq aamma Inatsisartut peqqussutaat nr. 6, 19. december 1986-imeersoq tunngavigalugit aalajangersagaasut, Inatsisartut inatsisaat manna tunngavigalugu maleruagassanik aalajangersaanikkut taarserneqarnissamik imaluunniit atorunnaarsinneqarnissamik tungaanut, atuutiinnassapput. Aalajangersakkat sukumiisumik maleruagassilisut sumiiffinnut pilersaarutini aalajangersagaasut atuutiinnassapput aammalu § 21 malillugu aalajangersakkanit sukumiisunik allanit taarserneqarnissamik tungaanut atuutiinnassallutik.

Imm. 2. Kommunalbestyrelsi § 50 naapertorlugu sumiiffinnut pilersaarutit imm. 1 malillugu atuutsiinnarneqartut imaluunniit sumiiffinnut pilersaarutit nunaminertat atorneqarnerat pilersaarusiornlerlu pillugit Inatsisartut peqqussutaat nr. 6, 19. december 1986-imeersumi § 26, imm. 2 malillugu atuutsiinnarneqartut, saneqqunneqarnissaannik immikkut akuersissuteqarnissamik periarfissaqarpoq.

Imm. 3. Kommunip pilersaarutissatut siunnersuutai pilersaarusiorneq aamma nunaminertat atorneqartarnerat pillugit Inatsisartut peqqussutaat nr. 11, 5. december 2008-imeersumi aalajangersakkat malillugit suliarineqartut tamanullu saqqummiunneqartut, §§ 24 aamma 35, imm. 4 malillugit inaarutaasumik akuerineqarsinnaapput.

§ 67. Nunaannarmi nunaminertanik pilersaarusiortarnermullu oqartussaaffiup tunniunneqarnissaa §§ 14 aamma 38 naapertorlugit aatsaat 1. januar 2011-mi atuutilissaaq.

Imm. 2. Nunaannarmi sumiiffimmi ataatsimi nunaminertanut oqartussaaffik imm. 1-imi ulluliussaq sioqqullugu Naalakkersuisut kommunalbestyrelsimit tunniussinnaavaat, kommunalbestyrelsi § 21 naapertorlugu sumiiffimmuit pineqartumut aalajangersakkanik sukumiisunik atuutsitsilerpat.

§ 68. Pilersaarutinut aamma nunaminertanut naammagittaalliuuteqartarfiup pilersinneqar-nissaata tungaanut kommunalbestyrelsip pissutsinut Inatsisartut inatsisaanni matumani pineqartunut ilaasunut tunngasunik aalajangiineri §§ 56 aamma 57 malillugit Naalakkersuisunut naammagittaalliuutigineqarsinnaapput.

Kalaallit Nunaanni Namminersorlutik Oqartussat, ulloq 17. november 2010

Kuupik Kleist

/

Jens B. Frederiksen

Siunnersuummut nassuaatit

Isumaliutissiissut (Aappasaaneerinninneq)